



DATO' SAIFUDDIN ABDULLAH
MENTERI KOMUNIKASI DAN MULTIMEDIA MALAYSIA
MINISTER OF COMMUNICATIONS AND MULTIMEDIA MALAYSIA

AKTA KOMUNIKASI DAN MULTIMEDIA 1998

ARAHAH MENTERI MENGENAI PENGGUNAAN SPEKTRUM DI DALAM JALUR FREKUENSI 880 MHz HINGGA 885 MHz BERPASANGAN DENGAN 925 MHz HINGGA 930 MHz

ARAHAH MENTERI NO. 1 TAHUN 2021

PADA menjalankan kuasa yang diberikan oleh seksyen 7 Akta Komunikasi dan Multimedia 1998 [Akta 588] ("Akta"), Menteri dengan ini mengeluarkan arahan kepada Suruhanjaya seperti berikut:

Nama dan Tarikh Kuat Kuasa

1. Arahan ini bolehlah disebut sebagai **Arahan Menteri Mengenai Penggunaan Spektrum Di Dalam Jalur Frekuensi 880 MHz Hingga 885 MHz Berpasangan Dengan 925 MHz Hingga 930 MHz, Arahan Menteri No. 1 Tahun 2021.**
2. Arahan ini mula berkuat kuasa pada tarikh Arahan ini didaftarkan.

Tafsiran

3. Dalam Arahan ini, melainkan jika konteksnya menghendaki makna yang lain, apa-apa terma hendaklah ditafsirkan mengikut dan tertakluk kepada Akta atau perundangan subsidiari yang relevan di bawahnya.

Penggunaan Spektrum Di Dalam Jalur Frekuensi 880 MHz Hingga 885 MHz Berpasangan Dengan 925 MHz Hingga 930 MHz

4. Tertakluk kepada peruntukan dalam Akta dan perundangan subsidiari yang relevan di bawahnya, Suruhanjaya diarahkan untuk melaksanakan penguntukan spektrum di dalam jalur frekuensi 880 MHz hingga 885 MHz berpasangan dengan 925 MHz hingga 930 MHz, melalui pelaksanaan hak keutamaan di bawah seksyen 174 Akta, kepada Altel Communications Sdn Bhd (No. Syarikat: 201201010379).

Mukasurat 1 daripada 2

5. Suruhanjaya hendaklah mengambil langkah-langkah segera di bawah peruntukan Akta dan perundangan subsidiari yang relevan di bawahnya untuk melaksanakan penguntukan spektrum seperti yang dinyatakan di perenggan 4 dalam Arahan ini.

6. Tertakluk kepada peruntukan dalam Akta dan perundangan subsidiari yang relevan dibawahnya, Suruhanjaya diarahkan selanjutnya untuk melaksanakan perkara-perkara berikut:

- (a) penguntukan spektrum seperti yang dinyatakan di perenggan 4 dalam Arahan ini adalah tertakluk kepada terma dan syarat serta keperluan tambahan yang akan ditetapkan oleh Suruhanjaya; dan
- (b) mengambil apa-apa langkah dan tindakan lain supaya Arahan ini dilaksanakan dengan sempurna.

7. Menteri boleh pada bila-bila masa mengubahsuaikan, mengubah atau membatalkan Arahan ini.

Tarikh: 31 MEI 2021
[KKMM.BKM.(S).600-1/6/2 (11)]



DATO' SAIFUDDIN ABDULLAH
Menteri Komunikasi dan Multimedia Malaysia